

San Judas

Mamabuinore coyuiyebu Judas bácu ùi toivacaiye báquede paperayocare Jesúre ju aipõevare (1-3). Ùbenita árocavù ùi toivacaimara mácvure aru ári ùi cuede ùi toivacaiyede diyocare máre caivù majibevu. Judas bácu judíovacacu barejaquémavu. Jesucristoi yócu barejaquémavu. Majidivù ne dápiayepere, toivacarejaquemavu diyocare ániujua báquede 66-90 d.C.

Toivacarejaquemavu Jesúre ju aipõeva, ne me járajyepere ayu, Jümenijicure ju abevù ne jujovabenajyepere ayu náre ne bueiye jáve ámeque, ne vainí turí bñjabenajyepere ayu ne ju aiyede jaravari (4-16). Coyurejaquemavu náre aipe ðaiye javrõre Jesúre ju aipõevare (17-23). Aru ùi toivacari buojaiyede, jídejaquemavu mearore Jümenijicure, majare meadayure Jesucristoi ðaiye báque boje (24-25).

Judas ùi meaicõjeino Jesúre ju aipõevare

(Mt 13.55; Mr 6.3)

¹Yúbu Judas, Santiagoi yócu, Jesucristore memecayu. Toivacaivu yu mujare, Jümenijicui cutuimara mácvure. Majepacu Jümenijicui jecumaramu muja. Aru Jesucristoi coreimaramu muja máre. ²Jümenijicu püeno baju cõmaje ároje jájacurí mujare, me cure ðajacurí mujare cárijimevüva, aru jecujacurí mujare.

Ina borocuede bueivure coyüino

(He 11.4; 2 P 2.1-7; 1 Jn 3.12; Ap 2.14, 12.7)

³Muja, ji umara, yu toivacarídivu mujare iye ména maje cvuade caride, Jümenijicui meadayere báque boje majare maje ámeina teiyede jaravari. Ùbenita javu yure ji jëniayere paréque mujare, muje corenajyepere ayu iye yávaiye méne maje ju aiyede, Jümenijicu cüinára ùi jíye báquede ùi põevare. Que baru apevu ne ámeina yávaru diede aru apevu ne oatuvaiyuru diede, parvrõreca coyujarã muja iye yávaiyede jávene. ⁴Apevu jujovaiyu curivubu maje jëneboi, yavenina ecoivu bácvu maje cójijñamia jívü. Ina yópe

teivu ùbenina dápiare ðaiyuríduyama mujare. Ùbenita Jümenijicure ju abevù, ámeno ðadama. Jümenijicui mearo ðacaiyedeca ina põevare bojecubeda ùi me boje, urarõ ámenore ðaiyu, “Jümenijicu árumetecuyame caiye iyede”, arí dápiaríduyama na. Aru ju abenama Jesucristore, majare upacure aru maje jabocure cüinácura. Que baru yópe arí, “Jesucristo jabocu cüinácura ámemi”, borocurí adama na. Javede Jümenijicu toivaicõjenejaquemavu ùi yávaiyede, põeva nópe aivu ñájinajivure, ne ámeina teiye boje.

⁵Iye ji coyuiyede mujare caride jave majivu muja. Ùbenita ávure ðaiyuvu mujare Jümenijicu ñájine ðayere ámeina teivure, ne ámeina teiye boje. Ina Israecavu bácvure, maje jabocu Jümenijicu ùi etavaríburu yóboi meadacuyu na mácvure Egipto ámicuríjoborõre jocarí, bíjare ðarejaquemavu nácvu bácvu ju abevù bácvure úre. ⁶Aru ina ángelevare máre, ðabevure iye ne memeiye Jümenijicui ðaicõjeiye báquede náre, Jümenijicure ne ùbeni jaravari buru yóboi aru ne curõ mearore jocarí etaríburu yóbore máre, Jümenijicu buorí epedejaquemavu náre ñeminitucubü. Noi buoimara mautenajarama táumeaque cainüma pu

dijaravũ Jũmenijicũ ñájiovaquijãravũ baquinõita. ⁷ Aru quédeca ina Sodoma aru Gomorra ãmicurĩĩmaroacavũ bãcavũre, aru apenoa ĩmaroa joabenoacavũ bãcavũre mãre, Jũmenijicu ñájine ðarejaquemavũ na mãcavũre toabo cũimẽboque, ne urarõ ãmeno ðaiye báque boje ne bajumia. Dajocarejaquemavũ na mãcavũ ne ðaiye báquede ne baju yópe Jũmenijicũ cuedãiye báquepedeca põevare ñi urõpe, ne ðarãjiyepe ayũ urarõ cuyõjarõ ne ðaiye báquede ne baju ñũnuva matuivũ bãcavũ. Jũmenijicu ãicõjenejaquemavũ na mãcavũre, apenvũ ne majĩnãjiyepe ayũ aipe vaiquĩyede põeva nõpe ãmeno ðaivũre.

⁸ Aru napedeca ina jũjovãivũ, borocuede bueivũ, maje jẽneboi jũjovãdamã ne baju. “Jãvemũ nõ” aru “Mearomũ yo”, arĩ dãpiarĩduyama na. Ñbenita ãmeina ðãdamã ne bajumia. Jũ abenama jabovare. Aru ãmeina yãvadama ina pũeno parurivũre mãre. ⁹ Ñbenita Miguevacari, ñai ángelevã jabocũ, ñi jaraiye báquede ñai abujuvã jabocure ne jĩjateiye báquede ñi ĩye báqueda Moisés bãcũ baju bãcarõre pueðayũ ãmeina yãvabedejaquemavũ ãre. “Ñájicuyũmũ mũ”, abedejaquemavũ, ñi pueðaiye boje ãre. Quénora “Jũmenijicu ñájine ðajacurĩ mũre”, arejaquemavũ Miguecapũravũ. ¹⁰ Ina jũjovãivũ, borocuede bueivũ, ãmeina yãvadama iye ne coreóvabede. Aru iye ne coreóvãiyede coreóvabenama ne majiẽque yópe põeva dãpiãivũre. Quénora coreóvãdamã diede ne dãpiãiyequẽ jĩcua yópe ãimara dãpiãbevũre. Aru bĩjarãjaramã na nõ boje.

¹¹ ¡Chĩorãjaramã na! ðãdamã yópe Caĩn mãcure, ñai ĩmacũ bãcure boarĩ jarũvayũ bãcure. Aru ãmeina teðamã, earãjivũ tãuturãre yópe Balaam mãcure. Ñbenita bĩjarãjaramã, ne jũ abe boje jabovare yópe Coré bãcure. ¹² Yópe cuitótecajede mũje docũ jacorĩ ãmeðaiyepe, nopedeca ina jũjovãivũ, borocuede bueivũ, ãmetede ðãdamã

mãjacavũre, ne cuyõje tede ðaiye boje pueðabevũva apenvũre mũje ãranũiyede torõjũve teinoã. Yópe ovejavare coreipõeva ne baju me ãiyepe ñbenita jĩbevũva ãiyede ovejavare, nopedeca ina jũjovãivũ ãri ũcuñamã apenvũ pũeno. Aru yópe oopenĩboa ũmevũque jãpũino ñbenita ocabenĩ cadatebenõpe põevare ne ocãnore corenidũiyede, nopedeca ina borocuede bueivũ, cadatebenamã põevã ũmene ne bueiyeque. Aru yópe jocũcũ jẽidũã cubeca jẽijãravũre meamecure, nopedeca ina jũjovãiyede bueivũ bajũ bãcavũre paivũbu na, ne meame boje. Aru yópe pũeno baju meamecure ðicure ĩnĩburũ yóbove cãino mũõque jobore jarũvarĩ, nopedeca pũeno baju meamemã na. ¹³ Aru yópe pãcaĩboa urãboa jã urãðã jarũvaĩboape ãcarũ caivũ ne jãĩnoĩ yaore aru pojeiye de mãre, ãme ñrõjuede, nopedeca ina jãicõjẽdamã caivũre ne ðaiye cuyõjeda. Aru yópe abĩãcova tuivũ bãcavũre ne mũimãre jocarĩ pũ ñemĩnũcubũ, nopedeca ina jũjovãivũ curãjaramã cãĩnũmã ñemĩnũcubũ pũeno baju ñemĩnoĩ, nõ Jũmenijicũ nãre ðacãino mãcarõĩ.

¹⁴ Ina jũjovãivũre, borocuede bueivũre, Enoc Jũmenijicũ yãvãiyede coyũcarejaquemavũ javede nãpe paivũ ne borore. Ñai Enoc yaibẽcũ, Jũmenijicũ mũvãimũ mãcũ arũcũra ĩjãravũre jocarĩ, Adãn mãcũ pãramecũ bãcũ pãramecũ bãcũ pãramecũ barejaquẽmãvũ ñi, Enoc. Yópe arĩ, Jũmenijicũ yãvãiyede coyũcarejaquemavũ ñi: “Me jãjara. Maje jabocũ Jũmenijicũ ðacuyũme. Aru obedivũ baju ñi ángelevã mearã baju ðarãjaramã ãque. ¹⁵ Bojedãcuyũme caivũ põevare, ne ðaiye báque boje ĩjãravũ. Ñájine ðacuyũme caivũ ina ãmeno ðaivũre ne ãmeina teiye báque boje ne jũ abe báquede ãre, aru ne ãmeina yãvãiyẽ báque boje copũ ãre”, arejaquemavũ Enoc. ¹⁶ Ina jũjovãivũ, borocuede bueivũ, ãmeina yãvadãmã caiyede. Ye apeno ne jãĩno ye baquinõ ãmevũ nãre. Aru ãmecorõdamã caivũ apenvũre mãre. Ne ãmeina ðaiyũre ðãdamã na. Ne baju

“Ñija apa mearo ðaivubu apevu pñeno”,
 ùbenina arĩ coyuyama. Aru “Muja
 máre mearo ðaivubu apevu pñeno”,
 borocurĩ coyuyama apevure. Que arĩ,
 mamagumure vorĩ eadama náva méne
 apevu pñeno.

**Judas ùi majicaino Jesúre ju
 aipõevare**

(2 Ti 3.1-5; 2 P 3.3)

¹⁷Muja, ji umara, arujara iyede
 Jesucristoi yávaiye méne beorĩ
 coyucõjeimara ne coyuiye báquede
 mujare jipocamia. ¹⁸Coyuivu
 barejaquémavu mujare, yópe arĩ:
 “Ñijárvava buojaquijárvava baquiyéde,
 Cristoi copaidaquijárvavu jipocare,
 darájarama põeva Jūmenijicure ju
 abevu, yurivu, aru ne ãmeina ðaiyerepe
 ðaivu”, arĩ coyurejaquemavu na. ¹⁹Ina
 jujovavivu, borocuede bueivu, nárecabu
 coatede ðaiyurivu mujacavure muje
 baju. ðaivubu ne ãmeina ðaiyerepe yópe
 ãimara dápiabevure. Aru curivubu ñai
 Espiritu Santore cuvabevuva.

²⁰Ùbenita muja, jivu, ji umara, parure
 ðajarã muje ùmei muje Jesucristore ju
 aiyequé me, Jūmenijicui majide ðaiye
 báquede majare ùi yávaiye méne, maje
 meara marajiyépe ayu jaubevuva ùi
 jáinoi. Aru jēniajara Jūmenijicure
 ñai Espiritu Santoi caðateinoque.

²¹Cainumua ðajarã muja yópe
 Jūmenijicui urõpe ùi ue boje mujare,
 muje napini coreiyedeca Jesucristoi
 cuvare ðaquiyede járavu cūiméjáravu
 baquinóre, ùi cõmaje ãroje jáiye boje.

²²Cõmaje ãroje jájara muja ina
 ju abevure càreja yávaiyede jávene.
²³Apevure meadajarã maumena yópe
 muje ìyepé põecure toabore jocarĩ.
 Corebevuvu coyujarã náre Cristoi
 yávaiye méne. Aru apevure cõmaje ãroje
 jájara, ne ãmeina teiye boje. Coyujarã
 náre máre Cristoi yávaiye méne.
 Ùbenita me ðajarã, muje ðabenajiyepé
 aivu ãmenore nápe. Nácapuravu ne
 pare ãmeina teiye boje cuitótecaje
 docucricajede doivure paivubu na.
 Que baru ubejarã ne ãmeina teiyede
 yópe muje ubepe dicajede.

Mearore jini buojaino

²⁴⁻²⁵Jūmenijicu cūinacurabe majicu
 aru parucu meadacuyu mujare, muje
 vainí tubenajiyepé ayu ye ãmeno
 cubevuva. Ùvacari núre ðaibi mujare
 ùi jáinoi torojurivure muje ùmei.
 Jūmenijicu meacu baju meadaibi majare,
 Jesucristoi ðaiye báque boje. Mearore
 jínajarevu ùre. Ùtame meacu baju,
 majicu urarõ, pñeno parucu, aru caivu
 pñeno jabocu járavu jipocare aru caride
 aru cainumua. Quédecabu. Quénoramu.